

525.82



13

# 國立中央大學沿革史

中華民國十九年九月

秘書處編纂組編印

## 序

國立中央大學，承前國立東南大學之後，合併前江蘇省立專門以上各校，都計九校，分設八院，綜爲一校，規模宏備，爲國內各大學冠，且地居首都，蔚然爲全國學術教育之中心。乃燕於十六年春，以前國府教育行政委員會委員資格，就江蘇教育廳長任內，努力籌備大學區工作國旋奉國府命，忝長斯校，於茲三載有餘，凡諸興革，知之最詳。爰屬編纂組，編纂校史，上溯孫吳之興學，以逮明代之南雍，清季之三江兩江師範，國初之南高東大，洎十六年以後，本校繼承而光大之之經營，與夫大學區制之經過，八學院及總辦公處之種種規制，條分縷析，彙爲一編。俾閱者瞭然於本校內容，爲治學術史與教育史者供其參考，而於本校成立以來之辛勞艱難，亦畧見一斑。後之來者，


---

序

---

繼續前進，有加無已，庶斯後益臻發達，則乃燕所深望也。  
中華民國十九年九月張乃燕

# 國立中央大學沿革系統表



# 國立中央大學沿革史

## 目次

### 序言

國立中央大學沿革系統表

自孫吳迄明之國學

三江師範及兩江師範時代

三江師範之籌備及其概況

兩江師範之概況

南高及東大時代

南京高等師範籌備之經過

民九以前校務誌畧

東南大學籌備之經過

民九以後校務誌畧

南京高師與東南大學之合併

民十二以後東大校務誌畧

劉伯明先生之逝世

口字房之焚燬

成吳二烈士之死義

### 本校時代

籌備大學區及本大學之經過

接收江蘇國省九校情形及本校校名之確定

大學本部之組織

大學區兩年工作

本校行政組織及學制之變更

各學院及圖書館之沿革組織

軍事教育之設施

中華教育文化基金會董事會設立科學講座之經過

經濟之狀況

營建之擴充

體育之進展

學生課外之活動

畢業生之狀況

各種出版物之進展

物業統計

實驗學校及其他附屬機關

本校發展計劃

## 大事年表

東大以前主要大事年表

本校時代主要大事年表

## 自孫吳迄明之國學

南京之有國立學校，實始于孫吳，而昌于明代，距今蓋千六百有餘年矣。孫權既都建業，太子孫休雅稱好學，及嗣位，遂以興學爲要務，永安元年冬，詔立五經博士，令將吏子弟就業，是爲南京有國立學校之初槁，惟史書簡畧，規制地點，不克詳考。嗣後司馬氏南渡，南京實爲文獻淵藪，咸康太元，兩立國學，淮水南北，官省相望。自是以迄宋齊，國學時置時廢，收效未宏。及蕭梁定都建康，（即今南京）肇開五館，一時大儒名流，從容講學于雞鳴山麓，文物之盛，甲于南朝，去今蓋一千四百一十五年也。（天監四年）隋唐都城北遷，南京國學之祚，因之中斷。降至兩宋，次第在鍾山附近建置儒學。元



代學校式微，江寧惟有集慶路學。明興，奠都金陵，洪武十四年，建國學于鷄鳴山之陽，去今蓋五百四十八年。永樂遷都，始有南北兩監，（北京有國子監，故南京國學爲南監）自是南雍之盛，雖漸不逮昔，然終明之世，南北固對峙未廢，自其初置至亡，爲明之國立大學者實經二百六十五年之久也，國學佔地所屆，東自小教場，（即小營）西達十廟口，北自城坡，南迄珍珠橋，面積之廣，數倍今日，而校舍之宏，尤爲僅見；當時四方之士，遠暨川滇，咸聞風來學，而日本，琉球，暹羅諸國，亦嚮慕華化，遣官生入監；蓋其規模之宏，學生之多（初置時五百七十七人，至永樂二十年，最多達九千九百七十二人，五倍于今之大學。）學習之博，風被之廣，承沿之久，不第吾國學校中未可多得，即在世界大學史上實可抗行而無媿色也。及明社既屋，學生星散，向之宏規巨制，一蹶而不可盡復。順治六年，以國子監坊爲

江寧府學，十七年重建文昌書院，雖規模粗具，而精神都非。巍峨先業，吾人惟從史志所載，想見當日之盛況而已。



## 三江師範及兩江師範時代

三江師範之籌備及其概況

清之季年，外患日亟，于是劉坤一張之洞奏請變法

興學。翌年，張之洞移督兩江，（光緒二十八年）遂創三江師範學堂，實爲中國師範學堂之嚆矢。先就江寧府署開辦，同時就明國學遺址籌地興築，未幾，稍復舊規，而移校舍于此。延攬繆筱珊，方玉山，陳伯嚴諸人先後任總稽查之職，而以長沙楊錫侯爲監督。設理化，農學博物，歷史，輿地，手工，圖書諸科，並設速成科，最速成科等以納年長專求畧聞新知者。（光緒三十年冬，招收學生一級五十八人，翌年冬畢業，是爲最速成科。同時又招收學生一級二十六人，三十二年冬畢業，是爲速成科。）此外更設附屬中學附屬小學。監督之下有教

務長，齋務長，庶務長及監學，并設文案官，會計官，並有繙譯員多人，以協助日本教授之講授。總計教職員六十八人，學生六百人，常年經費爲庫平十一萬兩餘。校址所屆，則大抵與今相似，東西北界皆同，惟南界則僅爲今日之裏屋短垣，當日之盛況，概可想見。

兩江師範  
之概況

三江兩江二而一者也，張之洞之名三江，蓋取尙書揚州三江之議，其後以學生省界之爭，患其名混淆，光緒三十一年，江督周馥以總督之稱兩江，改名兩江師範。規制內容，無所變更。校內監督，楊先生之後繼以徐先生積餘，既而撫州李梅庵先生提學江寧，來主斯校，盡瘁學務，教澤廣被。嗣後南京高師成立，江校長易園篆李先生之名于匾，迄今校之西北小園，以梅庵稱焉。至宣統元年，計有教職員五十二人，學生三百七十一人，先後畢業共九班，計三百二十餘人。經費每年初定十一萬兩，其後逐有增加。校舍三江初立之時

，建造一字房，教習房，暨學生宿舍；及宣統初，更建口字房；此外陸續興築至停辦之時，校舍已與東大相埒，惟今之圖書館等處，概爲荒原耳。宣統三年，武漢起義，兩江定辦，癸丑變後，校舍蕩然，開國三載，始有高等師範之建設，審名思實，亦可謂斯校之恢復也。



## 南高及東大時代

南京高等師範  
籌備之經過

民國三年八月，江蘇巡按使韓國鈞委任校長江謙就前兩江師範學校舍勸察籌備開校，四年一月，聘郭秉文爲教務主任，陳容爲學監主任，請袁希濤，黃炎培，沈恩孚等會商進行事宜；設籌備處於前省議會，由袁希濤常川駐寧，主任籌備事宜。先是校舍駐有軍隊，至五六月間，駐兵始次第遷讓，乃開始修理建築，八月工竣。十一日舉行入學試驗，先招國文，理化兩部預科各一級，國文專修科一級，共錄取學生一百二十六人。九月十日，舉行開校式，并開始授課，南京高等師範是至乃正式成立。

民九以前  
校務誌畧

五年四月十三日接收舊寧屬師範校舍爲高師附屬小學



校舍。十四日舉行體育專修科新生入校開學式。七月六日至八日舉行工藝專修科及國文部，理化部預科新生入學試驗。六年二月十七日附屬小學舉行開校式。六月呈請江蘇省公署撥款建築附屬中學校舍。七月九日舉行農業，工藝，商業，英文各專修科新生入學試驗。九月二十四日附屬中學正式開校。七年三月江校長因病請假，由教務主任郭秉文代理校長職務。八年春，擴充範圍，行政組織，設總務處直隸於校長，分八部任事，此外更分教務，齋務，庶務三處，各設主任，各分若干部任事，改國文部爲文史地部，理化部爲數理化部。二月二十六日，呈准江蘇督軍署劃分小營西北隅地，擴充爲農場。九月十四日，江校長因病辭職，由代理校長郭秉文正式繼任。十一月一日，學監主任陳容辭職，改聘劉伯明繼任。九年一月十三日，變更學校組織系統，設校長辦公處，以劉伯明爲副主任。取消學監處，改庶務處爲事